



Inatsisartunut ilaasortaq
Aki-Matilda Høegh-Dam, Naleraq
/Maani

§ 37 naapertorlugu apeqqummut akissut nr. 110-2025 Illorsuarnut tunngasoq

Asasara Aki-Matilda Høegh-Dam

Inatsisartut suleriaasianni § 37, imm. 1 naapertorlugu Illorsuit pillugit Naalakkersuisunut apeqquteqaateqarputit.
Apeqqutit uannit akineqartussatut innersuunneqarput.

1. Illorsuit maanna, nunatsinni nunaqarfiit allatuulli, tamakkiisumik ajornaquteqanngitsumillu nuuffigineqarsinnaaleqqinnikuua?

Akissut:

Innuttaasut, Illorsuarni najugaqaqqilernissaminnik kissaateqartut, taamaalior-nissartik tunngaviatigut pisinnaatitaaffigaat, inatsimmi tunngaviusumi § 73 piginnittuusinnaaneq tunngavigalugu. Aammattaaq pisortat nalinginnaasumik sullissinissaq, pilersuinissaq, atuartitsinissaq, ajornartoornermi ikiuinissaq allallu pisussaaffigaat, suliaasaqarfinni pineqartuni inatsisit atuuttut tunngavigalugit.

Pisortalli aamma pisinnaatitaapput, killilimmillu aamma pisinnaatitaallutik silli-maniarnikkut iliuusissanik tamanik aalajangersaanissaminnut, tassunga ilanngul-lugit malittarisassanik nutaanik, innuttaasut sumiiffinni pitsaanerpaamik isuman-naarnissaannut pisariaqartinneqartunik.

Upalungaarsimanermut ataatsimiittitaliap Umiammakku Nunaani qaqqat sisoor-sinnaanerinit tunngatillugu pissutsit inissisimanerinit, sumiiffinnilu pineqartuni qaqqat sisoornerisa kingunerisaanik tassaarsuaqarsinnaaneranut upalungaarsima-nermut suliatigut naliliinera kingulleq tassaavoq Illorsuit sumiiffittut inissisimaf-figissallugu navianartutut suli isigineqartariaqartoq.

Inuussutissarsiornermut, Aatsitassanut, Nukissiutinut, Inatsisit Atuutsinneqarne-rannut Naligiissitaanermullu Naalakkersuisoqarfik ukiut kingulliit tallimat inger-lanerini Umiammakku Nunaani aamma Kangerluarsummi alapernaarsuinnermut atortunik qajannaatsunik marlunnik suliaqarsimavoq, ujarassiuunit ullut tamaasa nakkutigineqartunik. Alapernaarsuinnermut atortut taakku siusissuklut ilimasaa-rutitut atorput taamaattumillu aamma innuttaasunut sumiiffimmiittunut aarleri-naateqarneranik annertuumik annikillisaataallutik, Illorsuarni sumiiffik ilanngul-lugu. Alapernaarsuinnermut atortut maannamut takutippaat qaqqat sisoorneranik annertuumik pisoqaqqajaasoqanngitsoq. Aarlerinaateqarnerali annertusitillugu

Allakkap ullua: 05-08-2025
Suliap normua.:
Allagaatip ilisarnaataa:
25583987

Postboks 1614
3900 Nuuk
Oqa.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

alapernaarsuinnermut atortut piffissami pisumi nakkutilliinnermut annertusarneqar-sinnaapput, piffissaatillugu illersuinissaq qularnaarniarlugu.

Sumiiffik navianartutut nalilerneqartoq pineqarmat, ukiut tullinnguuttut 50-it iluanni qaqqat sisooqqissinnaanerit annertuumik aarlerinaateqarluni, killiler-suinnermik arlalinnik peqarpoq innuttaasut Illorsuarnut najugaqaqqilernerminni eqqumaffigisariaqagaannik.

Innuttaasut eqqumaffigisariaqagaat siullesq tassavoq sumiiffimmut nuunnermin-ni inatsisit atuuttut tamaasa atuutsinneqaannassammata, tassunga ilanngullugit sillimaniarnermut isumaginninnikkullu najoqqutassat tamarmik. Tassunga ata-tillugu erseqqissarneqassaaq sumiiffimmi illumut piginnittuusinnaanermi sanaar-tornermi teknikkikkut sillimaniarnikkullu malittarisassat atuutsikkunnaarneqas-saangimmata, taamatuttaarlu naatsorsuutigineqassalluni sumiiffimmut navianar-tumut meeqqanik nassassagunik isumaginninnermi oqartussanit pisussaaffigine-qassammat naliliiffigissallugu sumiiffimmut nuuttoqarnera meeqqap illersugaa-nissaanut naapertuunnersoq, aammalu iliuusissamik pisariaqartunik suliaqarlutik.

Innuttaasut eqqumaffigisariaqagaasa aappaat tassavoq pisortanit sullissinerisa upalungaarsimanerisalu tunngaviatigut sumiiffimmut malinnaatinneqaraluarpa-ta luunniit pinngortitami ajunaarnersuup siorna sullissinerup qaffasissusiata assinga naatsorsuutigisinnaannginnamikku, pisortat sulisuminnut sulinnermi avatangiisi-nik isumannaatsunik qulakkeerinninnissamik saneqqunneqarsinnaanngitsumik pisussaaffigineqarmata Kalaallit Nunaanni sullivinni avatangiisit pillugit inatsim-mi nalunaarut nr. 1048, 26. oktobari 2005-imeersoq kingusinnerusukkullu inatsimmi nr. 1382-imi, 23. decembari 2012-imi aamma inatsimmi nr. 461-imi, 15. maaji 2017-imi allannguuteqartumi §§ 11 aamma 13a imm. 1, imm. 2, aamma stk. 3. aammalu § 32 naapertorlugit.

Taamaattumik tamatuma aamma kingunerissavaa pisortat sullissineri taamaallaat pissarsiarineqarsinnaammata sullissinerup pineqartup pilersinneqarnerani pisor-tani sulisut navianartorsiortinneqannginnissaat nalilerneqarpat. Pisortani sulisut isumannaallisarneqarnerat innuttaasut pisortat sullissinerannik pisariaqartitsine-rannit pingaarnertutinneqassaaq. Pisiniarfinnik namminersortunit pigineqartunik ammaanissamut isumaliutiginninnerit taama ittut aamma atuutsinneqassapput.

Tamanna aamma meeqqat atuarfiannut suliassaqaarfimmut atuuppoq. Sulinnermi avatangiisit isumannaatsuunissaannut piumasaqaatit saneqqunnagit Illorsuarni meeqqat atuarfiannik pilersitsisoqarsinnaanngitsoq nalilerneqassappat pisortanit atuartitsinissamik neqerooruteqartoqarsinnaanngilaq.

Taamaattumik angajoqqaat atuartussaataasutut ukiulinnik meerallit sumiiffim-mut nuunnissartik toqqarunikku, inatsisit atuuttut naapertorlugit meeqqat atuar-tinneqarnissaasa qulakkeernissaanut tamakkiisumik akisussaaffeqarnertik atuu-tiinnassasoq eqqumaffigissavaat, meeqqat atuarfiat pillugu Inatsisartut inatsi-saanni § 33 naapertorlugu.

Taamatut pisoqartillugu atuartitsineq angerlarsimaffinni isumagineqassaaq, kommunalbestyrelsimulli allakkatigut nalunaaruteqarnissaq ingerlaavartumillu

nakkutilliinissaq pisariaqassaaq, Tunngaviusumik atuarfiit namminersortitat angerlarsimaffimmilu atuartitaaneq il.il. Inatsisartut inatsisaanni §§ 24 aamma 25 naapertorlugit.

Atuartaanerup meeqqat atuarfianni piumasaqaatinut naapertuunnissaa taamaalilluni angajoqqaanit qulakkeerneqartussaavoq, tassunga ilanngullugu misilitsinernut nalilersuinernullu peqataanissaq, inatsimmi atuuttumi aalajangersarneqartutut.


2. Ukioq 2017-imi Illorsuarmi najugaqartut pinngitsaalisamik nuutsitaani-kuuppat, nunaqarfittaalu pinngitsaalisamik matuneqarpa?

Akissut:

Illorsuarni innuttaasut pinngitsaalillugit nuutsinneqanngillat, qimagussortitsisoqarporli. Assigiinngissutaasoq pingaaruteqarpoq. Qimagussortitsineq pilertortumik ingerlanneqartariaqartoq pineqarpoq, nunaqarfimmiinnerup navianarnera oqartussanit nalilerneqarmat. Innuttaasut inuunerannik qulakkeerinninnissaq pillugu qimagussortitsisoqarpoq.

Taamatuttaaq nunaqarfik pinngitsaalisamik matuneqanngilaq, sumiiffittulli navianartutut isigineqarluni, qaqqat sisooqqissinnaanerisa aarlerinaateqarnera annertummat. Qaqqat sisoorneri tassaarsuaqarneranik kinguneqarsinnaapput, inuit qarsutsiffiusuniittut inuunerannut navianartorsiortitsisinnaallutik.

Inussiarnersumik inuulluaqqusillunga



Bentiarq Ottosen